

Ufficio Stampa della Provincia autonoma di Trento

Piazza Dante 15, 38122 Trento

Tel. 0461 494614 - Fax 0461 494615

uff.stampa@provincia.tn.it

COMUNICATO n. 3065 del 25/10/2023

Traduzione in mòcheno

Schualring en de Lander aus va de Europäische Union: s sai' u'ganommen kemmen de kriteren ver de studiumprais

Motiviarn s riarn se van studentn ver za verlaichtern de sproch ont kultutral bècksln zbischn de jungen va de gònze bèlt, der doi ist der rif van bando u'ganommen af de 20 van schanmikeal va de Provinzaljunta, ont as tschbunnen ist ver de studentn van zboate jor van trea'tner viarjoregenlicei ont van dritte jor van schualn va zboateschual va zboate tritt as belletn a zait en an lònt extra Europäische Union mòchen, ver a toal mu'netn oder ver en gònze jor 2024/2025.

Der paitrog ist va 700 tausnt euro, ont men stimmt 80 studiumprais. De naikait ist gònz va de Autonome Provinz va Trea't zolt ont, ònderst abia de naikaitn van vourdern jarder, haier der bando ist integriart pet a hilf en toalnemmen va jungen pet problem. Men mut se innschraim va de 7 van òlderhaileng finz af de 7 van schantònderer.

Rifmentsch

S meing toalnemmen de studentn as:

- learnen en doi schualjor 2023/2024 de zboate klasse van trea'tner viarjoregenlicei oder de dritte klasse van zboateschualn va zboate tritt van Trentin oder va aus Provinz;
- hom nèt mear va zboa'sk jor schoa gamòcht;
- vonen en de Provinz va Trea't;
- de sai' drinn en a familia as hòt an ICEF 2023, as men vinnt en de Oa'zege Vrog' 2024, niderer va 0,60.

Kriang s studiumprais ist meglech lai benn as de hom turchgamòcht s schualjor 2023/2024 a'ne schualmengeln.

Bou

Der schualring en auslònt bart pasuacht kemmen miasn en a schual as an sitz hòt en an Lònt extra Europäische Union. Ver de organisation van schualring der student mu vraia virn prauchen, abia zan paispil, der mu toalnemmen en vourschlogn va schualriarnse unterstizt va de schual va de beil as der kimmp, der mu se innschraim en program en auslònt gamòcht va entn, vraischòftn, bèrkn as òrbetn en ring van schualriarnse, der mu se sèlber an projekt mòchen van ring durch en suachen de schual en auslònt ont en plòtz bou za gea' za stea'.

Tauern zaitn

S tauern va de schualzait mu sai' a jor (mindestn 240 to) oder ver minder zait (mindestn 110 to).

U'trong de vrog

Men mu der bando aronemmen va de sait www.vivoscuola.it. De vrog miast inntrong kemmen lai durch telematischen virm ont men miast prauchen der SPID, de CIE oder de CPS, sait de 9:00 van eirta af de 7 van òlderhaileng ont finz af de 13:00 van pfinsta af de 7 van schantònderer 2023.

Ibersetz gamòcht van Sprochtirl va de Tolgamoaschòft Hoa Valzegu' ont Bersntol

(cdt)